



Broj: 01,03/11-05-181/08  
Sarajevo: 9.6.2008. godine

**KOLEGIJU OBA DOMA PARLAMENTARNE SKUPŠTINE BIH**

**KOMISIJI ZA VANJSKE POSLOVE PREDSTAVNIČKOG DOMA**

**KOMISIJI ZA VANJSKU I TRGOVINSKU POLITIKU, CARINE, SAOBRAĆAJ I  
KOMUNIKACIJE DOMA NARODA**

**DELEGACIJI PARLAMENTARNE SKUPŠTINE BIH U PARLAMENTARNOJ SKUPŠTINI  
CENTRALNOEVROPSKE INICIJATIVE**

**KOLEGIJU SEKRETARIJATA PSBIH**

**Predmet: Izvještaj sa sastanka Parlamentarnog komiteta Parlamentarne dimenzije CEI  
Chisinau, Moldavija, 26. maj 2008. godine**

Sastanak Parlamentarnog komiteta Parlamentarne skupštine Centralnoevropske inicijative održan je 26. maja 2008. godine u Chisinau, Moldavija. Sastanku su prisustvovala delegacije parlamenata: Austrije, Bosne i Hercegovine, Bugarske, Hrvatske, Češke, Mađarske, Italije, Poljske, Rumunije, Slovačke i Ukrajine, te predstavnik Izvršnog sekretarijata CEI.

U ime Parlamentarne skupštine BiH sastanku su prisustvovali gosp. **Ilija Filipović**, zamjenik predsjedavajućeg Doma naroda PS BiH i član Delegacije PSBiH pri PSCEI, te gđica. **Edina Hrnjić**, sekretar Delegacije.

Tema sastanka bila je „**Uloga parlamenata u pružanju podrške nadgradnji odnosa CEI i EU: Izgradnja nove Evrope bez linija podjele**“. Sastankom je predsjedavao gosp. Valeriu Duma, šef Delegacije Moldavije u PSCEI, u ime moldavskog predsjedavanja Centralnoevropskom inicijativom. U svojstvu uvodničara, prisutnima su se obratili predstavnici zakonodavne i izvršne vlasti, te predstavnici diplomatskog kora u Republici Moldaviji.

Diskutirajući o navedenoj temi, učesnici sastanka potvrdili su značaj podrške koju Parlamentarna dimenzija CEI i njena Parlamentarna skupština pružaju gotovo 20 godina tranzicijskim zemljama na njihovom putu ka Evropskoj uniji kroz povećanje kontakata između državnih parlamenata. Pored susreta na konferencijama i redovnim sastancima, parlamentarci se povezuju kroz grupe prijateljstva i druge aktivnosti, te djeluju kao podsticaj vanjskoj politici njihovih država. Parlamentarci su izrazili uvjerenje da uloga parlamenata postaje sve značajnija s obzirom da parlamenti predstavljaju volju građana i stoga djeluju kao posrednici između lokalnih i nacionalnih potreba na jednoj strani, te internacionalnih i supranacionalnih zahtjeva na drugoj strani.

Nazivajući 2008. ključnom godinom za budućnost Centralnoevropske inicijative, predstavnici Republike Moldavije, zemlje predsjedavajuće Inicijativom, informirali su prisutne o glavnim prioritetima moldavskog predsjedavanja: - *razvoj odnosa između CEI i EU*; - *jačanje odnosa među članicama CEI kroz realizaciju*

*zajedničkih projekata, posebno između zemalja koje su i članice EU i onih zemalja koje to još uvijek nisu ; - razvoj kapaciteta CEI.*

Parlamentarni komitet posebno je pozvao na uspostavljanje dinamičnije saradnje između država članica CEI koje su i članice EU i onih država članica CEI koje još nisu članice EU, kako bi se razvio snažan okvir pružanja uzajamne pomoći. Naglašeno je da PDCEI treba nastaviti razvijati saradnju s drugim regionalnim tijelima i inicijativama s ciljem podrške jačanju odnosa na relaciji CEI -EU. Učesnici sastanka saglasili su se da je za pružanje podrške zemljama članicama na njihovom putu ka EU neophodno jačati političku ulogu CEI u čemu bi parlamentarna dimenzija trebalo da ima poseban angažman. Centralnoevropska inicijativa okarakterizirana je kao čekaonica za zemlje koje teže članstvu u EU i u tom smislu CEI kao regionalni instrument daje izuzetne mogućnosti za razmjenu iskustava.

Na kraju, Parlamentarni komitet preporučio je da Parlamentarna skupština CEI razmatra mogućnost podsticanja parlamenta zemalja članica CEI koje su i članice EU da preduzmu odgovarajuće mjere kako bi upoznali Evropsku komisiju o potrebi daljeg razvoja odnosa CEI-EU, a posebno o značaju davanja posmatračkog statusa Centralnoevropskoj inicijativi unutar Evropske komisije i značaju uspostavljanja stalnog dijaloga na visokom nivou između CEI i EU.

Pored sastanka Parlamentarnog komiteta PSCEI, održani su i sastanci općih komiteta. Gospodin Filipović prisustvovao je sastanku Općeg komiteta za pitanja kulture na kojem je diskutirano o izboru tema jesenjeg sastanka Komiteta koji će, na poziv predsjedavajuće Komiteta, biti održan u Beču. Većina učesnika sastanka, uključujući gosp. Filipovića, svoju podršku dala je temi „Obrazovanje za održivi razvoj“. Na dnevnom redu jesenjeg sastanka Općeg komiteta za pitanja kulture, okvirno planiranom za početak oktobra 2008. godine, osim diskusije o odabranoj temi, naći će se i izbor potpredsjedavajućeg Komiteta.

Pripremila

Edina Hrnjić

Sekretar Delegacije

Odobrio

Ilija Filipović, dipl. iur

Član Delegacije